



Fedje kommune

Innkalling av Kommunestyret

Møtedato: 20.02.2018
Møtestad: Skarvøyna/Slissøyna - det sosiale rommet.
Møtetid: 18:15 - 20:15

Eventuelle forfall må meldast til Signe Råheim per tlf. 56 16 51 01, sms til 458 19 536 eller per epost til signe.raheim@fedje.kommune.no

Varamedlemmer møter berre etter nærare avtale.

Sakliste

Saknr	Tittel
001/18	Godkjenning av møteinnkalling og sakliste
002/18	Godkjenning av møtebok
003/18	Referatsaker
003/18.1	Fedje om 10 år?
003/18.2	Møteutskrift - Kontrollutval Fedje, 6. februar 2018
004/18	IKT Nordhordland
005/18	Opprykk av varamedlem til fastmedlem i kommunestyret
006/18	Særutskrift: Kontrollutvalet si årsmelding
007/18	Val av ungdomsråd
008/18	Vigsel i Fedje kommune

13. februar 2018

Stian Herøy
møteleiar

Signe Råheim
sekretær



Sakspapir

Saksbehandler	Arkiv	ArkivsakID
Signe Råheim	FE - 033	18/99

Saksnr	Utvalg	Type	Dato
001/18	Kommunestyret	PS	20.02.2018

Godkjenning av møteinnkalling og sakliste

Saksutgreiing:

Forslag til vedtak:

Møteinnkalling og sakliste vert godkjent.



Sakspapir

Saksbehandler	Arkiv	ArkivsakID
Signe Råheim	FE - 033	18/99

Saksnr	Utvalg	Type	Dato
002/18	Kommunestyret	PS	20.02.2018

Godkjenning av møtebok

Vedlegg:

Protokoll - Kommunestyret - 21.12.2017

Saksutgreiing:

Forslag til vedtak:

Møtebok frå sist møte vert godkjent.



Møteprotokoll for Kommunestyret

Møtedato: 21.12.2017
Møtestad: Skarvøyna/slissøyna - det sosiale rommet
Møtetid: 13:15 - 16:15

Møtedeltakarar	Parti
Marit Solbakk Øien	
Gidske Borge Kolltveit	Ap
Terje Blomvågnes	Ap
Bjørn Solbakk	Frp
Ottar Tangen	Frp
Erling Walderhaug	H
Paul Gunnar Gullaksen	H
Stian Herøy	H
Tonje Sulen Gullaksen	H
Torill Hermansen Horgen	H
Ingmar Stuberg	Krf
Olav Nilsen Husa	Krf
Roy-Asle Tungland	Krf
Tove Nordseth	Krf

Møtedeltakarar vara	Parti
Kristin Aase	Ap

Forfall meldt frå følgjande medlemmar:	Parti
Stian Storemark	Ap

Følgende fra administrasjonen møtte:

Bjarte Villanger, Ingebjørg Vamråk, Signe Råheim

Sakliste

Saknr	Tittel
079/17	Godkjenning av møteinnkalling og sakliste
080/17	Framlegg om å inngå leigeavtale for Fedje Senter AS/Mulevegen 3
081/17	Godkjenning av kommunebudsjettet 2018

079/17: Godkjenning av møteinnkalling og sakliste

Behandling:

Vedtak:

Møteinnkalling og sakliste vert godkjent. Samrøystes vedteke.

080/17: Framlegg om å inngå leigeavtale for Fedje Senter AS/Mulevegen 3

Behandling:

Rådmannen orienterte om at ho hadde fått informasjon om kor mykje ekstra det ville koste å kjøpe eit nøkkelferdig bygg, i den forstand at seljar gjer om avtalen. Dette alternativet hadde seljar avvist første gongen spørsmålet kom opp, men tok det til ny vurdering no i desember. Då ekstra kostnad ved å kjøpe bygget er oppgjeven til å bli i storleiken 1,2 MNOK, vil rådmannen tilrå dette alternativet i staden for det som er tilrådd i saksutgreiinga.

Olav Nilsen Husa(Krf) reiser utsetingsforslag. Det vert votert over. Fire røysta for utsetting Olav Nilsen Husa(Krf), Ottar Tangen(Frp), Bjørn Solbakk(Frp) og Marit Solbakk Øien(Uavhengig)

Felles framlegg: Fedje kommune ber seljar om å omgjera avtalen frå sal av Fedje Senter AS til sal av Gnr.168 Bnr.335, Mulevegen 3, i samsvar med kommunestyrevedtak 088/15. Kommunen dekker seljar sine dokumenterte utgifter med dette i storleik 1,2millioner kroner. Setter felles framlegget opp mot rådmannen sitt framlegg. Det vert votert over.

Vedtak:

Fedje kommune ber seljar om å omgjera avtalen frå sal av Fedje Senter AS til sal av Gnr.168 Bnr.335, Mulevegen 3 i samsvar med kommunestyrevedtak 088/15. Kommunen dekker seljar sine dokumenterte utgifter med dette i storleik 1,2millioner kroner. Samrøystes vedteke.

081/17: Godkjenning av kommunebudsjettet 2018

Behandling:

Vedtak:

Fedje kommunestyret vedteke å dekke inn utgiftsauken i barnehagen, på NOK 558 000, gjennom å redusere overføringane frå drift til investering. Manglande finansiering av investeringar blir dekkja over fond. Samrøystes vedteke.

Framlegget til kommunebudsjett 2018 blir godkjent slik det ligg føre. Samrøystes vedteke.



Sakspapir

Saksbehandler	Arkiv	ArkivsakID
Signe Råheim	FE - 033	18/99

Saksnr	Utvalg	Type	Dato
003/18	Kommunestyret	PS	20.02.2018

Referatsaker

32T

Saksnummer	Tittel
003/18.1	Fedje om 10 år?

Saksnummer	Tittel
003/18.2	Møteutskrift - Kontrollutval Fedje, 6. februar 2018

Saksutgreiing:

Forslag til vedtak:

Referatsaker vert tekne til orientering.



Saksframlegg

Sakshandsamar:	Rådmannskontoret			Signe Råheim	
Avgjerslemynde:		Arkivnr.:	18/102	Klassering:	

Fedje om 10 år?

Saksopplysningar:

Fedje om 10 år?

Rådmannen viser fram tankar om utvikling av Fedjesamfunnet.

Gjestar:

Saunders Architecture, ved prisbelønt arkitekt Todd Saunders og dagleg leiar Baste A. Christiansen

GulenSkyss AS ved reiar Per Vold

Amland Reiseutvikling ved Trond Amaland

Rådmannen sitt framlegg til vedtak:

Saka vert teke til orientering.

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost



KONTROLLUTVALET FOR FEDJE KOMMUNE MØTEUTSKRIFT

Møtedato 06.02.2018
Stad: Fleirbrukshallen, møterommet
Kl.: 09.00 – 12.00
Tilstade: Erling Walderhaug (leiar), Anna Marit Storemark (nestleiar) og Inger Steinsbø (medlem)
Innkalla:
Revisjon:
Sekretær: Øivind Olsnes
Forfall:

01/18 Godkjenning av innkalling og saksliste

Behandling i møte:

Framlegg til vedtak:

Innkalling og saksliste vart godkjent.

Samrøystes vedtak:

Innkalling og saksliste vart godkjent.

02/18 Godkjenning av møteutskrift frå sist møte

Saksvedlegg:

Møteutskrift frå møte 07.11.2017

Behandling i møte:

I møtet var det semje om å gje slik presisering av protokoll vedkomande sak 40/17

Kontrollutvalet sine oppgåver og mynde:

Kontrollutvalet sin innsynsrett vert ivaretatt ved at leiar eller sekretariatet ved behov ber om innsyn i dokument som kontrollutvalet treng for å utøva si oppgåve/mandat.

Kontrollutvalet påpeikar at alle kan hente ut informasjon som er offentleg, men ikkje publisert.

Framlegg til vedtak:

Møteprotokoll frå 07.11.2017 er godkjendt.

Samrøystes vedtak:

Møteprotokoll frå 07.11.2017 er godkjendt med presisering nemnd ovanfor.



03/18 Skriv og meldingar

Saksvedlegg:

- a. Fedje kommune – svarbrev til Mattilsynet, datert 6.12.17
- b. Mattilsynet – brev datert 13.12.17 – avslutta tilsyn
- c. Tilsynsrapport brannførebygging – Fedje sjukeheim, datert 21.12.17
- d. Rapport frå stadleg kontroll av skatteoppkrevjarfunksjonen for Austrheim og Fedje 2017

Behandling i møte:

Kort gjennomgang i møte

Framlegg til vedtak:

Kontrollutvalet tek skriv og meldingar til orientering.

Samrøystes vedtak:

Kontrollutvalet tek skriv og meldingar til orientering.

04/18 Årsmelding kontrollutvalet 2017

Saksvedlegg:

Framlegg til årsmelding 2017 for kontrollutvalet

Saksopplysningar:

Sekretariatet sitt framlegg til årsmelding for kontrollutvalet sitt arbeid i 2017 var sendt ut med innkallinga. Årsmeldinga skal gå som eigen rapport til kommunestyret for slik å synleggjere arbeidet til kontrollutvalet i året som er gått.

Behandling i møte:

Kontrollutvalet gjennomgjekk årsmeldinga

Framlegg til vedtak:

Kontrollutvalet godkjenner kontrollutvalet si årsmelding for 2017 slik den ligg føre.

Samrøystes vedtak:

Kontrollutvalet godkjenner kontrollutvalet si årsmelding for 2017 slik den ligg føre.



07/18 Eventuelt

Behandling i møte:

Kontrollutvalet ønsker i neste møte (23. mai) å få ei orientering frå rådmannen om:


- Organisasjonskart
- Delegeringsreglement
- Tilvisningsrettar

Neste møte i kontrollutvalet er onsdag 23. mai 2018 kl. 09.00.


Saker til neste møte:

- Oppfølging av utsett sak 34/17 – forvaltningsrevisjonsprosjekt
- Uttale til rekneskap og årsmelding 2017

Fedje, 06.02.2018



Erling Walderhaug / leiar



Øivind Olsnes / sekretær



05/18 Gjennomgang av møteprotokollar frå politiske utval

Behandling i møte:

Vedkomande protokollar i formannskapet - lønnsavtale rådmann

I møte den 19.12.2017 sak 158/17 ber formannskapet om at kontrollutvalet vurderer å sjå på denne saka. Dette var samrøystes vedteke.

Kontrollutvalet har føreteke ein gjennomgang av formannskapsprotokollane frå møta den 19.10.2017 (sak 113/17), den 04.12.2017, den 19.12. 2017 og den 21.12.2017 (sak 161/17.1).

Kontrollutvalet si vurdering:

- Kontrollutvalet konstanterer at det er inngått ein ny arbeidsavtale som er underteikna av partane.
- Etter kontrollutvalet si vurdering har formannskapet, etter gjeldande delegeringsreglement, ansvar for å gjennomføre lønnsamtalar med rådmannen
- Kontrollutvalet meiner at protokollane frå møta framstår som uklare
- Kontrollutvalet finn ikkje grunn til å gå nærmare inn i saka, men vil rå til at seinare lønnsforhandlingar vert betre dokumentert i referata
- Etter kontrollutvalet si vurdering må eventuelle uklarhetar som framkjem i protokollane avklarast av formannskapet sjølv

Samrøystes vedtak:

Kontrollutvalet ser vurderinga av saka som avslutta frå utvalet si side.

Protokollmerknad frå Inger Steinsbø:

Det er uheldig at formannskapet ikkje har vorte informert om at ny avtale allereide var underteikna av partane

06/18 Oppfølging - folkevaldopplæring for kontrollutval i kommunar i Hordaland, 2018

Saksopplysningar:

Medlemene av kontrollutvalet deltok den 29.-30. januar 2018 på folkevaldopplæringa for kontrollutvala i Hordaland.

Saka vert lagt fram til drøfting utan tilråding.

Behandling i møte:

I møtet vart ulike tema frå konferansen oppsummert og drøfta.

Samrøystes vedtak:

Kontrollutvalet vil ta med seg informasjonen frå konferansen i sitt vidare arbeid.



Sakspapir

Saksbehandler	Arkiv	ArkivsakID
Ingebjørg Vamråk	FE - 026	18/98

Saksnr	Utvalg	Type	Dato
004/18	Kommunestyret	PS	20.02.2018

IKT Nordhordland

Vedlegg:

Sak 3-18 Vedtekter - IKT Nordhordland - endring til paragraf 27

Protokoll Regionrådet 1-2018, 31. januar

Mandat IKT

Saksutgreiing:

Bakgrunn

IKT Nordhordland er leverandør av IKT tenester til kommunane Lindås, Osterøy, Modalen, Vaksdal, Meland, Radøy, Austrheim, Fedje og Masfjorden. IKT Nordhordland vart etablert i 2011 gjennom ein samarbeidsavtale der eininga vart organisert som eit § 28 vertskommunesamarbeid. Osterøy kommune er vertskommunen.

Samarbeidet har bidratt til gode og effektive IKT tenester i regionen og samarbeidande kommunar nyter gode og effektive tenester av høg kvalitet.

Krav til digitalisering og utvikling set nye krav til organisering og utvikling av IKT området. Dette medfører at Nordhordland må revurdere dagens organisering av IKT området. I tillegg har andre kommunar meldt si interesse for å delta i samarbeidet til Nordhordland.

På bakgrunn av dette vert det naudsynt å ta stilling til to hovudspørsmål:

1. Dagens vertskommunemodell oppfyller ikkje krava til eigenregi i forvaltning av IKT tenestene på vegne av andre kommunar i eit samarbeid. Dette medfører at det er naudsynt med endring i vertskommune modellen. Ei slik endring vil vera viktig del av den formelle styringsmodellen for samarbeidet, med eller utan utviding av samarbeidet med fleire kommunar.
2. Opptak av nye samarbeidande kommunar i IKT samarbeidet.

Vurdering

1. Organisering av samarbeidet på IKT området

For å møte framtidige utfordringar foreslår ein å omorganisere samarbeidet etter kommunelova § 27. Denne ordninga oppfyller lov om offentlege anskaffingar sine krav til unntak for eigenregi. Eigenregi, som legg til grunn at deltakande kommunar har styring over organiseringa i samarbeidet, er ein føresetnad for å vera i samsvar med reglane for



Fedje kommune

offentlege anskaffingar.

Loven stiller krav til at det skal være vedtekter for det interkommunale styret. Minimumskrava til kva vedtektene skal ha som føresegn er:

- a. Styrets samansetning og korleis det vert utpeika
- b. Området for styrets verksemd
- c. Om deltakarkommunane skal gjera innskot til verksemda
- d. Om styret har myndigheit til å ta opp lån eller på annan måte pådra deltakarane økonomiske forpliktingar
- e. Tre ut frå eller oppløysning av samarbeidet

Det er ikkje noko i vegen for at ein fylkeskommune eller kommune kan tiltre eit eksisterande § 27 samarbeid, men dei deltakande kommunane må akseptere det gjennom å endre vedtektene.

I eit interkommunalt styre må alle deltakande kommunar og fylkeskommunar vere representert. Styret si samansetning vil bestå av Rådmennene i kvar kommune. Utan ein slik representasjon ville ein i realiteten ha overdratt vedtak- og styringsmyndigheten til dei andre deltakarane. Når mange deltar i samarbeidet, vil styret kunne verta uhensiktsmessig stort. Det kan difor vere hensiktsmessig at Styret fungerer som eit Representantskap og kan ha eit mindre organ under seg som kan fungere som eit styre. Det høgaste organ vil framleis vera Representantskapet (styret etter reglane i Kommunelova § 27).

2. Orientering om moglegheit for å utvide samarbeidet

IKTNH har motteke interesse frå fleire kommunar i Hordaland om å delta i IKT samarbeidet til Nordhordland. Med bakgrunn i dei satsingane som no kjem i kommunesektoren, vil mange av kommunane ha ei stor utfordring med kompetanse, kapasitet og økonomi til å henge med på den utviklinga som skjer. I dette skjeringspunktet vil IKTNH kunne tilfredsstille behova som dei interesserte kommunane har til IKT-driftstenester og -tenester, men som dei sjølv ikkje vil ha kapasitet til å drifte og utvikle. For desse kommunane vil eit samarbeid med Nordhordland regionen på IKT vera særskilt aktuelt.

Det representerer ei stor moglegheit for Nordhordland og byggje verdi på dei investeringane som er gjort på IKT infrastruktur. Samtidig vil Regionen markere seg som ein sentral og viktig part i vidareutviklinga for IKT i Hordaland. Dette er også støtta av Fylkesmannen som ynskjer økt grad av samarbeid, slik at kommunar som ikkje har evne til å utvikla seg får eit IKT fagleg løft.

Organisering av IKTNH som eit §27 selskap legg til rette for ei utviding av samarbeidet om det skulle vere ønskeleg frå kommunane i Nordhordland.

Ei konseptfase vil avklare grunnlaget for ei utviding av IKT samarbeidet med fleire kommunar. Resultatet av konseptfasen vil verta framlagt regionrådet for eit vedtak om eventuelt å gå vidare med eit planleggingsprosjekt. Eit planleggingsprosjekt vil danne grunnlaget for ei utgreiing om eit endeleg vedtak om utviding av samarbeidet. Denne utgreiinga med forslag til vedtak vert framlagt kommunestyrene i Nordhordland for endelege vedtak.



Fedje kommune

Forslag til vedtak:

Fedje Kommune vedtek omorganisering av IKT Nordhordland til § 27 som eit interkommunalt samarbeid med eit felles styre og dei nye vedtektene som er vedlagt saka. 2. Fedje kommune vedtek oppstart av konseptfase som skal utgreie spørsmålet om utviding av samarbeidet, i tråd med vedlagte prosjektmandat.

Vedtekter - IKT Nordhordland

Vedtatt xx.xx.2018

§ 1 Parter og heimel

Desse vedtektene er fastsett i medhald av kommunelova § 27.

IKT Nordhordland er eit interkommunalt samarbeid mellom kommunane:

Osterøy	(Org nr. 864 338 712)	Radøy	(Org nr. 954 748 634)
Lindås	(Org nr. 935 084 733)	Austrheim	(Org nr. 948 350 823)
Modalen	(Org nr. 964 969 302)	Fedje	(Org nr. 944 041 036)
Vaksdal	(Org nr. 961 821 967)	Masfjorden	(Org nr. 945 627 913)
Meland	(Org nr. 951 549 770)		

Frå 01.01.20 overtar Alver kommune eigardelane, rettane og pliktane til Lindås kommune, Meland kommune og Radøy kommune som ein deltakar i samarbeidet.

§ 2 Rettsleg status

IKT Nordhordland er ikkje eige rettssubjekt.

§ 3 Kontorkommune

Osterøy kommune er kontorkommune for samarbeidet.

§ 4 Formål

Samarbeidet skal ivareta samarbeidskommunane sine oppgåver innan IKT knytt til drift, driftstøtte, service, informasjonssikkerheit, samt utvikling, implementering og forvaltning av kostnadseffektive driftsløysingar og tenester.

§ 5 Innskot, eigardel og innbyrdes ansvar mellom samarbeidskommunane

Samarbeidskommunane har ikkje forplikting om innskot til IKT Nordhordland. Det må føreliggja bindande vedtak frå alle samarbeidskommunar dersom samarbeidskommunane skal vera forplikta til å gjera innskot.

Eigardelane i samarbeidet er fastsett i forhold til innbyggartalet i dei deltakande kommunar.

Eigardelen vert justert årleg i forhold til endring i folketalet i samarbeidskommunane, basert på SSB sin statistikk på innbyggartal per 31. desember.

Eigardelane på avtaletidspunktet for gjeldande vedtekter (baserer seg på folketalet pr. 31.12.16):

- Austrheim kommune 2884 innbyggjarar som gir ein eigardel på 6,2%
- Fedje kommune 587 innbyggjarar som gir ein eigardel på 1,3%
- Lindås kommune 15730 innbyggjarar som gir ein eigardel på 33,8%
- Masfjorden kommune 1710 innbyggjarar som gir ein eigardel på 3,7%
- Meland kommune 8021 innbyggjarar som gir ein eigardel på 17,2%
- Modalen kommune 383 innbyggjarar som gir ein eigardel på 0,8%
- Osterøy kommune 8026 innbyggjarar som gir ein eigardel på 17,2%
- Radøy kommune 5128 innbyggjarar som gir ein eigardel på 11,0%
- Vaksdal kommune 4123 innbyggjarar som gir ein eigardel på 8,8%

§ 6 Ansvar

Samarbeidskommunane heftar med heile sin formue for sin pro rata eigardel av samarbeidet sine samla forpliktingar.

Dersom ein samarbeidskommune ikkje gjer opp sine forpliktingar i samsvar til sin pro rata eigardel, og dei andre samarbeidskommunane gjer opp slike økonomiske forpliktingar på vegne av ein annan deltakar i samarbeidet, har dei eller den samarbeidskommunen som har gjort opp den økonomiske plikta rett til å krevja tilsvarende beløp tilbakebetalt frå den ansvarlege samarbeidskommunen gjennom eit regresskrav, med tillegg av renter.

§ 7 Organisering av samarbeidet

Samarbeidet er organisert gjennom tre organ; representantskap, styre og dagleg leiar.

§ 8 Representantskapet og styret

Det høgaste organet er representantskapet. Representantskapet skal bestå av rådmenn i dei samarbeidande kommunane.

Representantskapet vel eit styre som består av fem rådmenn og tre varamedlem i rekkefølge frå representantskapet.

Representantskapet vel leiar og nestleiar i styret. Styret vert valt for to år om gongen.

Rådmann i kontorkommunen og rådmann i Lindås (rådmann i Alver kommune frå 01.01.2020) har fast plass i styret.

Dagleg leiar for samarbeidet har møte- og talerett i representantskapet og i styret.

§ 9 Representantskapet og styret sine oppgåver

Representantskapet har ansvar for:

- mål og strategi for drifta
- budsjett, årsplanar og investeringar
- status budsjett og tenesteleveransar
- årsrapport

Styret har ansvar for:

- oppfølging av mål og strategi

- oppfølging av IKT Nordhordland og dagleg leiar
- oppfølging av vedtak som ligg innanfor rammer av budsjett og investeringsrammer
- å representera samarbeidet utad
- å rapportera til representantskapet på budsjett og tenesteleveransar
- å delegera fullmakter og ansvar til dagleg leiar
- at det vert inngått ein tenesteleveranseavtale (TLA) mellom IKT Nordhordland og den enkelte kommune.

Styret har signaturrett på vegne av samarbeidet.

§ 10 Representantskapet og styret sine møte

Representantskapet skal møtast minimum to gongar årleg. Leiar for styret står ansvarleg for innkalling til møte i representantskapet og leiar møtet.

Samarbeidskommunane har ei stemme kvar i representantskapet. Vedtak i representantskapet krev 2/3 fleirtal.

Leiar kallar inn til styremøte så ofte leiaren finn det nødvendig, eller når minst eitt medlem krev det, likevel slik at det vert halde minst fire styremøte i løpet av året.

Innkalling til styremøte skal skje skriftleg til kvart styremedlem minst 10 dagar før møtedato. Leiar sørgjer for at det blir ført protokoll frå møtet, og at protokollen vert godkjend av styret. Protokollen skal sendast til styret og representantskapet etter sluttført møte.

Representantskapet og styret kan gjera vedtak når minst to tredeler av medlemmene er til stades.

Styret fattar vedtak med alminneleg fleirtal. Ved votering i styret skal kvar stemme telja likt, ei stemme pr. styremedlem. Ved likt stemmetal er møteleiaren si stemme avgjerande.

§ 11 Dagleg leiar

Samarbeidet skal ha ein dagleg leiar.

Dagleg leiar er ansvarleg for dagleg leiing av samarbeidet og skal følgje retningslinjer og pålegg som styret har gitt.

§ 12 Samarbeidets budsjett, rekneskap og revisjon

Samarbeidet skal nytta same budsjett- og rekneskapsår samt økonomiplan som kommunane. Dei gjeldande føresegner for kommunale budsjett og rekneskap gjeld også for samarbeidet.

Representantskapet vedtar gjeldande prinsipp for kostnadsdeling mellom samarbeidande kommunar.

§ 13 Låneopptak

IKT Nordhordland kan ikkje ta opp lån.

§ 14 Endring av vedtektene

Kommunestyret i alle samarbeidskommunane skal vedta endringar i vedtektene. Vedtaka skal vera likelydande i alle samarbeidskommunane.

§ 15 Opptak av nye samarbeidskommunar

Kommunestyret i alle samarbeidskommunane skal godkjenna opptak av nye samarbeidskommunar.

§ 16 Tre ut, oppløysning

Etter vedtak i kommunestyret kan ein samarbeidskommune tre ut av samarbeidet ved skriftleg varsel til styret. Styret har i slike tilfelle ansvar for å kalla inn til møte i representantskapet der saka vert lagt fram for handsaming.

Ein samarbeidskommune kan tre ut av samarbeidet etter skriftleg varsel til styret. Uttreden kan tidlegast finna stad to år etter at skriftleg varsel om oppseiing er sendt, og setjast i verk frå det påfølgjande årsskifte. Dette kan avvikast etter avtale mellom kommunen det gjeld og representantskapet.

Utløysingssum vert fastsett etter reglane i kommunelova § 27 nr. 3.

Oppløysing av samarbeidet kan berre skje dersom samarbeidskommunane er einige om det. Ved oppløysing skal samla pliktar, ansvar og verdiar i IKT Nordhordland delast på deltakarkommunane etter gjeldande eigardel på oppløysingstidspunktet.

Ved uttreden eller oppløysing, er verksemda pliktig til å levera tenester i oppseiingsperioden i samsvar med Tenesteavtalene/SLA. Verksemda er pliktig til å bidra til å gjera overgangen så effektiv og rasjonell som mogeleg.

§ 17 Tvisteløysing

Tvist om forståing av avtalen skal avgjerast av ei voldgiftsnemnd på tre medlemmer oppnemnt av fylkesmannen.

§ 18 Øvrig

Vedtektene skal signerast av samarbeidskommunane.

Dato: xx.xx.2018

Ordfører i Austrheim

Ordfører i Fedje

Ordfører i Lindås

Per Lerøy

Stian Herøy

Astrid Aarhus Byrknes

Ordfører i Masfjorden

Ordfører i Meland

Ordfører i Modalen

Karstein Totland

Øyvind Oddekalv

Tom Kristian Thorsen

Ordfører i Osterøy

Ordfører i Radøy

Ordfører i Vaksdal

Jarle Skeidsvoll

Jon Askeland

Eirik Haga

**PROTOKOLL
MØTE I REGIONRÅDET NORDHORDLAND**

Møte:	1-2018
Tid:	Onsdag 31. januar kl. 15.30 – 18.15
Stad:	Nordhordland Utviklingsselskap IKS

Til stades:

Ordfører:	Karstein Totland, Astrid Aarhus Byrknes, Tom Kristian Thorsen, Øyvind Oddekalv, Jon Askeland, Per Lerøy, Jarle Skeidsvoll, Stian Herøy,
Rådmenn:	Svein Helge Hofslundsengen, Jarle Landås, Martin W. Kulild, Jo Bjarte Tømmerbakke, Ørjan Raknes Forthun, Ingebjørg Vamråk
NUI:	Rune Heradstveit, Bent Gunnar Næss
Andre:	Lars Tveit
Forfall:	Ingvild Hjelmtveit, Hallvard Oppedal, Reidun Halland, Jan Olav Osen

Sak 1/18	Godkjenning, møteinnkalling og sakliste Møteinnkalling og sakliste vart godkjent utan merknadar.
Sak 2/18	Godkjenning protokoll møte 3-2017 Møteprotokoll frå møte 3-2017 vart godkjent utan merknadar.
Sak 3/18	IKT Nordhordland - utviding av samarbeidet - og endring frå å vera eit vertskommunesamarbeid etter kommunelova §28 til eit interkommunalt samarbeid etter kommunelova §27. Saksvedlegg/notat: • Utkast til sak kommunane • Vedteker – IKT Nordhordland – utkast – revidert utkast vart lagt fram i møte • Mandat for konseptfasen – IKT Nordhordland Utviding av samarbeidet Bakgrunn for saka: Denne saka vart drøfta på Regionrådet sin tur til Gardermoen 4. og 5. januar. IKT Nordhordland er i dag organisert som eit § 28 vertskommunesamarbeid. Osterøy kommune er vertskommunen. For å møta framtidige utfordringar foreslår ein å omorganisera samarbeidet etter kommunelova § 27. Denne ordninga oppfyller lov om offentlege anskaffingar sine krav til unntak for eigenregi. Eigenregi legg til grunn at deltakande kommunar har styring over organiseringa i samarbeidet. Det er ein føresetnad for å vera i samsvar med reglane for offentlege anskaffingar. IKT Nordhordland har kapasitet til å drifta fleire kommunar enn det ein gjer i dag. Det vil kunne gi ei endå meir rasjonell drift. Organisering av IKTNH som eit §27 selskap legg til rette for ei utviding av samarbeidet om det skulle vere ønskjeleg for kommunane i Nordhordland.

	På Gardermoen vart det satt ned ei arbeidsgruppe som skulle jobbe med desse to spørsmåla og det var: • Ingvild Hjelmtveit • Ørjan Raknes Forthun • Ingebjørg Vamråk • Thomas Rønn Aar • Arthur Berg Reinertsen • Lars Tveit var med som sekretær for gruppa Arbeidsgruppa tilrår at IKT Nordhordland vert eit § 27 selskap og at det vert satt i gong eit arbeid for å sjå på grunnlaget for ei utviding (fleire kommunar) av samarbeidet. Skjedde i møte : Lars Tveit innleia og orienterte om arbeidet i arbeidsgruppa og prosessen som der har vore og kvifor elskapet bør bli eit § 27 selskap. Det vart også orientert om kvifor det kan vera aktuelt å vurdere om IKT Nordhordland bør utvidast til å gjelda fleire kommunar. Forslaget til vedtekter vart gjennomgått i møte og mindre justeringar vart gjort. Det var ein grundig diskusjon om vegen vidare og korleis prosessen ved eventuell utviding av IKT Nordhordland til å gjelde fleire kommunar, bør vera. Regionrådet var einig om at det var viktig at denne saka vart handsama av kommunestyra så raskt som mogeleg. Samrøystes vedtak : Regionrådet stiller seg bak forslaget om at IKT Nordhordland vert eit § 27 selskap og at forslaget til vedtekter vert vedteke slik dei ligg føre. Regionrådet ser det som ønskeleg at ein kjem i gong så raskt som mogeleg med å sjå på mogelegheita for å utvida det interkommunale samarbeidet med nye kommunar. Regionrådet tilrår at det vert starta opp eit arbeid med konseptfase som skal utgreia spørsmålet om utviding i samsvar med vedlagte prosjektmandat. Det skal avklare grunnlaget for ei eventuell utviding av IKT-samarbeidet med fleire kommunar. Rapporten frå konseptfasen vil bli handsama av kommunane før det vert bestemt om det vidareførast i eit planleggingsprosjekt som skal danne grunnlaget for eit endeleg vedtak om utviding av samarbeidet. Regionrådet tilrår at kommunane gjer følgjande likelydande vedtak: 1. IKT Nordhordland vert organisert etter kommunelova § 27 som eit interkommunalt samarbeid med eit sams styre. NN kommune vedtek forslaget til vedtektene (§27) for IKT Nordhordland slik dei ligg føre. 2. NN kommune er positiv til utviding av samarbeidet og vedtar oppstart av konseptfase som skal utgreia spørsmålet om utviding av samarbeidet, i tråd med vedlagte mandat.
Sak 4/18	Eventuelt
	Nedlegging av Bergen fengsel avd. Osterøy (Ulvsnæsøy) Jarle Skeidsvoll orienterte om at Kriminalomsorgsdirektoratet / Justisdepartementet har gjort vedtak om at Bergen fengsel avd. Osterøy (Ulvsnæsøy) vil bli lagt ned innan 1. juli 2019. Bakgrunnen for dette er at Stiftelsen Ulvsnesøy, som er eigar av øya, ynskjer å selja. Justisdepartementet har, etter anbefaling frå Kriminalomsorgsdiriktoratet (KDI) valt å ikkje akseptere tilbodet om kjøp. Det er grunngeve ut frå to forhold: • Statsbygg ser for seg at det må oppgraderast betyeleg • Behovet for opne soningsplasser vil iflg. prognosane vera synkande i åra som kjem. KDI er tydeleg på at avgjerda kjem til tross for at kvaliteten på arbeidet som skjer ved avdelinga

held eit svært høgt nivå.

Osterøy og Vaksdal kommune har protestert mot forslaget og har oppmoda sterkt om at vedtaket om nedlegging av drifta vert omgjort.

Regionrådet ynskjer også å gi ein uttale der ein støttar fortsatt drift ved Bergen fengsel avd. Osterøy på Ulvsnesøy.

Regionrådet støttar kommunane Osterøy og Vaksdal sitt arbeid for å hindra at avdelinga vert lagt ned.

Samrøystes vedtak :

Regionrådet i Nordhordland er svært negativ til at Bergen fengsel avd. Osterøy på Ulvsnesøy vert lagt ned. Dette er ei fengselsavdeling med ein fysisk føresetnad som gir heilt unike forhold for drifta.

Regionrådet meiner det er sær mange og gode argument for at det framleis bør vere drift ved Bergen fengsel avd. Osterøy på Ulvsnesøy:

1. Fengselet sine fysiske føresetnader, tilbod om utdanning, arbeid, aktivitet og samhandling mellom innsette og tilsette gjer tilbodet på Ulvsnesøy unikt. Avdelinga har sær gode resultat over lang tid – både fagleg og menneskeleg. Avdelinga kan òg vise til sær god rehabilitering.
2. Kriminalomsorgsdirektoratet arbeider no med ei konseptvalutgreiing (KVU) for det samla tilbodet i region vest. Det er naturleg at tilbodet ved Bergen fengsel avdeling Osterøy vert vurdert i samband med dette.
3. Avdelinga i Osterøy representerer statlege kompetansearbeidsplassar i distriktet. Dei 40-50 tilsette kjem frå mange av kommunane i nærleiken (Osterøy, Vaksdal, Voss, Bergen, mfl.). Ei nedlegging vil, utan tvil, føre til ei uønskt sentralisering av statlege kompetansearbeidsplassar.
4. Avdelinga i Osterøy er viktig for lokalt næringsliv gjennom kjøp av varer og tenester. Dette gjeld særskilt bygdene Bruvik i Osterøy kommune og Vaksdal i Vaksdal kommune.
5. Nedlegginga av fengselsavdelinga i Osterøy kan kanskje gje reduserte kostnader i eit kort og avgrensa perspektiv. Det er i vedtaket til Justis- og beredskapsdepartementet ikkje gjort greie for konsekvensane i eit breiare samfunnsøkonomisk og menneskelig perspektiv. Kriminalomsorga sitt samfunnsoppdrag handlar mellom anna om å gjera innsette betre i stand til eit lovlydig liv etter fullført straff. Det er feil å legge ned ei avdeling som bidreg positivt til dette. Regionrådet i Nordhordland meiner at ei nedlegging av fengselsavdelinga i Osterøy vil vera ei dyr løysing på sikt.

Regionrådet i Nordhordland vil sterkt oppmoda Justis- og beredskapsdepartementet om å gjera om vedtaket om nedlegging av drifta ved Bergen fengsel avdeling Osterøy på Ulvsnesøy. Drifta av denne avdelinga må vurderast i samband med konseptvalutgreiinga (KVU) som no er under arbeid i direktoratet.

Det vil vere eit stort tap om avdelinga skulle bli lagt ned.

	Regionrådet i Nordhordland meiner at Bergen fengsel avd. Osterøy (Ulvsnæsøy) slik den har blitt drevet og den unike plasseringa, har ein stor verdi i kriminalomsorga. Ulvsnæsøy og andre mindre fengsel viser seg å gje svært gode rehabiliteringsresultat. Det vil vere eit stort tap om den skulle bli nedlagt. Den gir også viktige kompetanse arbeidsplassar i eit distrikt som det vil vera vanskeleg å få erstatta med nye arbeidsplassar. Regionrådet meiner også at det gir feil signal om å leggja fengselsplassar i Noreg og å senda innsette til Nederland. Regionrådet ser det som naturleg at kommunane Osterøy og Vaksdal tek kontakt med Bergen fengsel avd. Osterøy (Ulvsnæsøy) for å fremme desse synspunkta og få til ein dialog om kva som skal til for at drifta kan fortsette.
--	--

Knarvik, 31. januar 2018



Karstein Totland
Leiar
Regionrådet Nordhordland



Rune Heradstveit
Dagleg leiar
Nordhordland Utviklingsselskap IKS

IKT NORDHORDLAND

UTVIDING AV SAMARBEIDET

Fyll ut denne ved behandling, ved BP1.

Prosjektnummer:	Saksnummer:	
Behandla dato:	Behandla av (ansvarleg linjeleiar):	Utarbeidd av: Arthur Berg Reinertsen
Vedtak: Kommunane i Nordhordland vedtek oppstart av konseptfase som skal utgreie spørsmålet om utviding av samarbeidet		
Bemanning av neste fase Leiar av utgreiingsarbeidet: Arthur Berg Reinertsen Andre: Thomas Rønn-Aar, Lars Tveit		Neste fase ferdig: 30. april 2018
Signatur ved godkjenning (BP1): Åse Elin Myking		

Innhald

1. Bakgrunn.....	3
2. Føremålet med eit eventuelt prosjekt.....	3
2.1. Kva behov skal dekkast?	3
2.2. Kva endringer skal prosjektet skape?	3
3. Idé til eit nytt prosjekt.....	4
3.1. Forslag til tilnærming	4
3.2. Er anskaffing av varer og tenester aktuelt?.....	4
4. Tidsramme og ressursbehov for konseptfasen	4
5. Organisering og ansvar	4
6. IT-politiske føringar	4

1. BAKGRUNN

IKTNH har motteke interesse frå fleire kommunar i Hordaland om å delta i IKT samarbeidet til Nordhordland. Med bakgrunn i dei satsingane som no kjem i kommunesektoren, vil mange av kommunane ha ei stor utfordring med kompetanse, kapasitet og økonomi til å henge med på den utviklinga som skjer. I dette skjeringspunktet vil IKTNH kunne tilfredsstille behova som dei interesserte kommunane har til IKT-driftstenester og -tenester, men som dei sjølv ikkje vil ha kapasitet til å drifte og utvikle. For desse kommunane vil eit samarbeid med Nordhordland regionen på IKT vera særskilt aktuelt.

Organisering av IKTNH som eit §27 selskap legg til rette for ei utviding av samarbeidet om det skulle vere ønskeleg frå kommunane i Nordhordland.

Forankring og føresetnader:

Vedtak i Nasjonale fora, Regionråd, Kommune:	Vedtak i RU og Regionrådet
Avhengigheiter og føresetnader:	Regionale tiltak på IKT og Digitalisering i regi av KS. Prosjekt digitalisering i Hordaland med blant anna Bergens – Samarbeidet.

2. FØREMÅLET MED EIT EVENTUELT PROSJEKT

2.1. Kva behov skal dekkast?

Prosjektet skal utarbeide ein konseptstudie med formål å etablere dialog med kommunar og andre IKT samarbeid for samarbeid med Nordhordland. Prosjektet skal beskrive moglegheiter, risiko, gevinstar, leveransar, kostnader, forutsetningar og styrings-/samarbeidsalternativ.

Lage grunnlag for å søke om finansiering frå KS, Fylkesmannen og andre.

2.2. Kva endringar skal prosjektet skape?

Konseptstudie med rapport for å utvikle grunnlaget for utviding av samarbeidet til fleire kommunar.

3. IDE TIL EIT NYTT PROSJEKT

3.1. Forslag til tilnærming

Prosjektet vil adressere fylgjande tema og aktivitetar:

- Beskrive mogleg målbilete
- Beskrive, kartlegge og analysere moglegheiter, økonomiske konsekvensar for kommunane, risiko for kommunane ved utviding av samarbeidet og i eventuell gjennomføring, gevinstar, kostnader, forutsetningar og styrings/samarbeidsalternativ.
- Utarbeide forslag til kostnadsdeling
- Dialog med kommunar og IKT samarbeid på Vestlandet
- Dialog med sentrale interessentar. Eksempelvis KS og Fylkesmannen
- Arbeidsgrupper
- Dokumentasjon og utarbeiding av rapport.

Ein viktig føresetnad for samarbeidsdiskusjonane med andre kommunar er korleis ein skal organisere overordna IKT leiing og digitaliseringsarbeidet i vår region. Dette vil verte tema i eit anna prosjekt som vil gjennomførast i parallell med prosjektet som er beskrive her.

3.2. Er anskaffinga av varer og tenester aktuelt?

Bruk av ekstern konsulent.

4. TIDSRAMME OG RESSURSBEHOV FOR KONSEPTFASEN

Konseptfasen skal vera slutført innan 30 april 2018.

Ressursbruk og kostnader: Bruk av eigne ressursar ca. to månadsverk. Bruk av ekstern konsulent ca. eit månadsverk.

5. ORGANISERING OG ANSVAR

Leiar IKT Strategi og utvikling har ansvar for gjennomføring av prosessen. Prosjektet rapporterer til Strategigruppa på IKT i Nordhordland.

6. IT- POLITISKE FØRINGAR

Viser til kapittel 1 og punktet Forankring og føresetnader



Sakspapir

Saksbehandler	Arkiv	ArkivsakID
Signe Råheim		18/84

Saksnr	Utvalg	Type	Dato
005/18	Kommunestyret	PS	20.02.2018

Opprykk av varamedlem til fastmedlem i kommunestyret

Saksutgreiing:

Bakgrunn

Hausten 2017 dødde Per Opsahl som var kommunestyrerepresentant for dei uavhengige. Ifølge kommuneloven §16.2 vil det første varamedlemmet til partiet ta plassen for det medlemmet som trådde endeleg ut.

I tillegg til å vere kommunestyrerepresentant var Per Opsahl også varamedlem til formannskapet. Ifølge kommuneloven §16.5 kan kommunestyret sjølv velje eit nytt medlem, viss ei gruppe har for få medlemmar. Suppleringsvalet skal skje frå den gruppa som har for få medlemmar.

Vurdering

Kommunestyret avgjer om dei skal velje nytt varamedlem til formannskapet for dei uavhengige/Frp.

Konklusjon

Marit Øien vert fast medlem for dei uavhengige i kommunestyret. Kommunestyret avgjer om dei skal velje nytt varamedlem for dei uavhengige/Frp til formannskapet.

Forslag til vedtak:

Marit Øien vert fast medlem for dei uavhengige i kommunestyret. Kommunestyret avgjer om dei skal velje nytt varamedlem for dei uavhengige/Frp til formannskapet.



Sakspapir

Saksbehandler	Arkiv	ArkivsakID
Signe Råheim	FE - 033	18/97

Saksnr	Utvalg	Type	Dato
006/18	Kommunestyret	PS	20.02.2018

Særutskrift: Kontrollutvalet si årsmelding

Vedlegg:

2018 02 06 Særutskrift - Årsmelding 2017- Fedje kontrollutval (41105)

2018 02 06 Årsmelding frå kontrollutvalet 2017 - Fedje (41106)

Saksutgreiing:

Vedlagd ligg særutskrift og årsmelding frå kontrollutvalet.

Forslag til vedtak:

Saka vert teke til orientering.



KONTROLLUTVALET FOR FEDJE KOMMUNE SÆRUTSKRIFT

Møtedato 06.02.2018
Stad: Fleirbrukshallen, møterommet
Kl.: 09.00 – 12.00
Tilstade: Erling Walderhaug (leiar), Anna Marit Storemark (nestleiar) og
Inger Steinsbø (medlem)
Innkalla:
Revisjon:
Sekretær: Øivind Olsnes
Forfall:

04/18 Årsmelding kontrollutvalet 2017

Saksvedlegg:

Framlegg til årsmelding 2017 for kontrollutvalet

Saksopplysningar:

Sekretariatet sitt framlegg til årsmelding for kontrollutvalet sitt arbeid i 2017 var sendt ut med innkallinga. Årsmeldinga skal gå som eigen rapport til kommunestyret for slik å synleggjere arbeidet til kontrollutvalet i året som er gått.

Behandling i møte:

Kontrollutvalet gjennomgjekk årsmeldinga

Framlegg til vedtak:

Kontrollutvalet godkjenner kontrollutvalet si årsmelding for 2017 slik den ligg føre.

Samrøystes vedtak:

Kontrollutvalet godkjenner kontrollutvalet si årsmelding for 2017 slik den ligg føre.

Fedje, 06.02.2018

Erling Walderhaug / leiar (sign)

Øivind Olsnes / sekretær



ÅRSMELDING 2017

KONTROLLUTVALET - FEDJE KOMMUNE

Organisering og møter

Denne rapporten gjeld kontrollutvalet sitt arbeid i tidsrommet 01.01.2017 til 31.12.2017. I denne perioden har utvalet hatt fylgjande samansetjing:

Faste medlemmer:

- Erling Walderhaug (leiar)
- Anna Marit Storemark (nestleiar)
- Inger Steinsbø

Varemedlem:

- Inge Waage (vara for Walderhaug)
- Torild Moldøen (vara for Storemark)
- Beate Hop (vara for Steinsbø)

Kontrollutvalet er eit lovpålagt organ som er direkte valt av kommunestyret og rapporterer om sitt arbeid til kommunestyret. Kontrollutvalet skal føre løpande tilsyn og kontroll med den kommunale forvaltninga og sjå til at det er ei forsvarleg revisjonsordning, på vegne av kommunestyret. Kontrollutvalet på Fedje vedtok i sak 08/16 eit dokument som seier noko om ansvar, oppgåver og organisering av kontrollutvalet.

Kontrollutvalet sine møte er opne på lik linje med andre politiske møte. Utvalet har hatt 4 møter i 2017 og handsama 40 saker inklusive formaliasaker.

Revisjonen og sekretariatstenesta

Den praktiske utføringa av tilsyns- og kontrolloppgåvene vert ivareteke hovudsakeleg av revisjonen på oppdrag frå kontrollutvalet. Fedje kommune er medeigar av Nordhordland Revisjon IKS, som er eit interkommunalt revisjonsselskap eigd av dei sju kommunane Austrheim, Fedje, Masfjorden, Meland, Modalen, Osterøy og Radøy.

Sekretariatet er kontrollutvalet sitt operative organ og har som hovudoppgåve å sjå til at dei saker som handsamast av kontrollutvalet er forsvarleg utgreia, og at utvalet sine vedtak vert sett i verk. Nordhordland Utviklingsselskap IKS ivaretek sekretariatsfunksjonen for kontrollutvala i kommunane Austrheim, Fedje, Lindås, Masfjorden, Meland, Modalen, Osterøy og Radøy. Sekretær for kontrollutvala var i 1. halvår 2017 - Tonje Husum Aarland og i 2. halvår - Øivind Olsnes.

Saker i 2017

Kontrollutvalet er oppteken av at kommunen har gode rutinar og internkontroll på dei ulike områda. Kontrollutvalet har kalla inn administrasjonen og ordførar for å få naudsynte opplysningar i aktuelle saker.

Kontrollutvalet skal gje ein uttale til kommunen sitt rekneskap. Rekneskapen for 2016 gav eit positivt netto driftsresultat på 5,3 mill. kr. Dette var om lag 4 mill. kr meir enn budsjettet. Netto driftsresultat var 4 mill. kr høgare enn i 2015 og syner ei forbetra utvikling frå tidlegare



år. Driftsutgiftene hadde ein auke på 6% frå fjoråret, medan nettoinntektene auka med 12%. Det var særleg ein auke i rammetilskot og andre (statlege) overføringer som avveik i høve budsjettet inntekt for 2016. Desse avvika er forklart i rådmannen si årsmelding. Kontrollutvalet har i sin uttale til kommunestyret påpeika revisjonen sine kommentarar og tilrådingar slik dei framkjem i Revisjonsrapport nr. 12 og i revisjonsmeldinga til årsrekneskapen for 2016.

Plan for selskapskontroll var handsama av kontrollutvalet i sak 25/16 og av kommunestyret i sak 051/16. Det vart vedtatt at det ikkje skulle prioriterast selskapskontroll i denne perioden.

Kommunestyret godkjende i sak 008/17 ny plan for forvaltningsrevisjon med fokus på eit forvaltningsprosjekt innan offentleglov og innsyn. Revisjonen laga i 2017 ein prosjektplan med ulike problemstillingar og revisjonskriterium for dette prosjektet. Prosjektplanen vart godkjend av kontrollutvalet i sak 23/17. I møte den 12.09.17 vart det vedteke å utsetje oppstart av prosjektet i påvente av at rådmannen sine planlagde organisatoriske endringar i administrasjonen vart sett i verk. Kontrollutvalet vil følge opp saka i 2018 med revidert plan for oppstart og framdrift.

Kontrollutvalet skal sikre at kommunen har ein forsvarleg revisjon. Revisjonen har vore i utvalsmøta for å orientere om sitt pågåande arbeid og planar for revisjon. Revisjonen har lagt fram erklæring om si uavhengighet. Revisjonen av årsrekneskapen er tilfredstillande utført etter kontrollutvalet si vurdering, jmf. revisjonsmeldinga til årsrekneskapen datert 24.05.17 og revisjonsrapport nr. 12, datert 24.05.17.

Andre saker som er handsama av kontrollutvalet i 2017:


- Orientering frå ordførar og rådmann om aktuelle saker
- Orientering om forvaltningsrevisjonsrapport
«Rutinar for oppfølging av barn i fosterheim. Austrheim kommune 2016»
- Orientering om prosessar kring utskifting av representantar i politiske utval
- Vedtak om lærlingplassar i kommunen
- Orientering om helse- og omsorgstenesta
- Orientering om korleis kommune føl opp bruksendring av bygg
- Orientering om økonomisk status for kommunen etter 3. kvartal
- Orientering om rekneskapsrevisjon 2017
- Sak om kjøp av nøkkelferdige bygg
- Gjennomgang av møteprotokollar frå politiske utval – fast post

Andre kommentarar

Leiar deltok på leiar-møte for kontrollutvala i Nordhordland 6. juni 2017.

Kontrollutvalet er påmeld folkevaldopplæringa for kontrollutvala i Hordaland i januar 2018.

Fedje, 06.02.2018



Erling Walderhaug
Leiar



Sakspapir

Saksbehandler	Arkiv	ArkivsakID
Signe Råheim	FE - 033	17/167

Saksnr	Utvalg	Type	Dato
010/18	Formannskapet	PS	06.02.2018
008/17	Ungdomsrådet	PS	29.11.2017
007/18	Kommunestyret	PS	20.02.2018

Val av ungdomsråd

Saksutgreiing:

Bakgrunn

Det vart valt mellombels ungdomsråd våren 2017. Det skal vere nytt val på ungdomsråd nå i haust.

Ungdomsrådet skal ha ein leiar og ein nestleiar og to medlemmar, i tillegg til representant frå kommunestyret (i denn perioden Stian Storemark).

Vedtektene seier følgjande om val og samansetning:

2.1. Funksjonstid

Representantane vert valde for 2 år. For å sikra kontinuitet i ungdomsrådet står 1 og 2 representantar på val annakvart år. Den til ein kvar tid sitjande elevrådsleiar ved Fedje skule skal alltid vere representert i ungdomsrådet i kraft av sitt verv. Ein kommunestyrepresentant vert oppnemnd i kommunestyret i byrjinga av kommunestyreperioden og sit i ungdomsrådet ut perioden (normalt 4 år).

2.2. Samansetjing

Ungdomsrådet skal ha 5 medlemmar. Vanleg fordeling: 1 frå kommunestyret, elevrådsleiar Fedje skule, 1 elev frå AVS, 2 fritt valde ungdommar. Det vert vald vara for alle representantane. Fedje kommune stiller med sekretær for rådet.

2.3. Val av nytt ungdomsråd

Nytt ungdomsråd skal veljast i byrjinga av skuleåret. Sitjande ungdomsråd innstiller kandidatyr til valet av nytt ungdomsråd. Nytt ungdomsråd vert oppnemnd av kommunestyret.

2.4. Konstituering

Ungdomsrådet konstituerer seg sjølv og vel leiar og nestleiar. Vala gjeld for eitt år.

Vurdering

Folkehelse
Miljø
Økonomi



Fedje kommune

Konklusjon

Ungdomsrådet konstituerer seg sjølv og vel leiar og nestleiar som dei ber kommunestyret godkjenne.

Forslag til vedtak:

Ungdomsrådet held val på nytt ungdomsrådsmøtet og konstituerer seg sjølv. Dei ber om godkjenning på valet frå kommunestyret.

Ungdomsrådet - 008/17

U - behandling:

Rolf Hermansen, Emmi Herøy og Helene Husa var på val. Emmi gjevvalt og Fiona vert valt inn, mens Helene Husa og Rolf Hermansen er ikkje lenger medlemmar i ungdomsrådet. Fiona vert valt til leiar og Emmi vart valt til nestleiar. Ungdomsrådet består av Fiona Nordbø (leiar), Emmi Herøy(nest leiar), Elise Blomvågnes, Julie Husa(elevrådsleiar), Mathias Marøy og Stian Storemark er kommunestyret sin representant i ungdomsrådet.

U - vedtak:

Ungdomsrådet held val på nytt ungdomsrådsmøtet og konstituerer seg sjølv. Ungdomsrådet ber kommunestyret om å godkjenne følgjande ungdomsråd: Fiona Nordbø (leiar), Emmi Herøy (nestleiar), Elise Blomvågnes, Julie Husa (elevrådsleiar) og Mathias Marøy.

Formannskapet - 010/18

F - behandling:

Stian Herøy (ordførar, H) er ugild. Varaordførar Roy Asle Tunland (Krf) erstattar Stian Herøy i saka.

F - vedtak:

Ungdomsrådet held val på nytt ungdomsrådsmøtet og konstituerer seg sjølv. Dei ber om godkjenning på valet frå kommunestyret. Samrøystes vedteke.



Sakspapir

Saksbehandler	Arkiv	ArkivsakID
Charlotte Lilleheil		18/74

Saksnr	Utvalg	Type	Dato
008/18	Formannskapet	PS	06.02.2018
008/18	Kommunestyret	PS	20.02.2018

Vigsel i Fedje kommune

Vedlegg:

kopi fra lovdata.no om vigsel i kommunen

Saksutgreiing:

Bakgrunn

Som følge av ein lovendring som tredde i kraft 1. januar 2018, er vigselssmynde overført frå tingrettane og Oslo byfogdembete til til ordførarar, varaordførarar og kommunalt tilsette eller folkevalde som kommunestyret gjev slikt mynde (kommunane). Alle som skal gifta seg borgarleg etter 2018 må dermed henvenda seg til kommunen. Lovendringa inneber ei lovfasta plikt til å ha eit kommunalt vigselstilbod for eigne innbyggjarar, og for personar som ikkje er busette i Noreg.

Fedje kommune må gjera seg klare til å ta imot brudepar som ynskjer å gifta seg borgarleg i Kommunen, då dei nye reglene allereie er tredd i kraft.

I samband med overføringa av vigselssmynde frå domstol til kommune må følgjande tilhøve i kommunen avklarast:

- Kven som skal ha vigselssmynde
- Kva for lokale som skal nyttast til vigslene
- Tidspunkt (klokkeslett, vekedagar) for vigslar
- I kva grad kommunen skal tilby vigslar òg for brudefolk busett i andre kommunar
- Eventuell betaling ved meirkostnader for kommunen

Vurdering

Tilgjenge

Kommunen pliktar å ha eit borgarleg vigselstilbod klart til dei nye reglene trer i kraft. For å sikra eit mest mogleg tilgjengeleg tilbod, bør det opprettast ei side på heimesidene til Fedje kommune, med lenkje til skjemaet til skatteetaten for inngåing av ekteskap, samt informasjon om gjeldande rutinar og lovverk.

Vigselssmynde

Ordførar og varaordførar er gjevne vigselstyresmakt direkte i loven. Kommunestyret kan òg gje vigselssmynde til kommunalt tilsette eller andre folkevalde, etter ei vurdering av behov og egnethet. Dersom ein vurderer det dithen at det ville vera ønskeleg å ha ein partipolitisk



Fedje kommune

uavhengig vigsjar tilgjengeleg i Fedje kommune, kan kommunestyret gje vigselsmynde til eigna kandidatar som er kommunalt tilsette. Kommunestyret står òg fritt til å gje øvrige folkevalde vigselsmynde. Mange kommunar har løyst dette ved å i tillegg til ordførar og varaordførar, legge vigselsmynde til rådmannen. Det synast naturleg med tilsvarande løysing i Fedje kommune.

Lokale

I lovproposisjonen står det at tilbodet til kommunen skal vera godt og tilgjengeleg, og dessutan at det er viktig at kommunen legg til rette for vigselen sin seremonielle karakter. Det vert òg opna for at kommunen kan, i tillegg til å tilby vigsjar i eigne lokala til kommunen, tilby vigsler i andre lokalar.

Det er naturleg at standardtilbodet for vigsler i kommunal regi gjennomførast i eit lokale som kan gje ein offisiell og seremoniell karakter, og som er stort nok til at til å kunne ta imot geistar og vitne. Lokalet som framstår best eigna på bakgrunn av dette, er det sosiale rommet i fleirbrukshallen. Dette er, i tillegg til å vera romsleg nok, sentralt plassert, med gode parkeringsmuligheter og nærleik til det meste. Likevel har dette lokalet nokon manglar med tanke på seremoniell karakter. Det vil vere naturleg å male rommet for å forbetra heilskapsinntrykket. Det vil òg vera føremålstenleg å kjøpa inn standardutstyr for å gje eit tilbod som framstår appellerande. Pynt utover dette må brudeparet gje melding om på førehand og dekkja og organisera sjølv.

Kommunestyret må i tillegg ta stilling til om Fedje kommune skal tilby vigsel òg utanfor det sosiale rommet i Fleirbrukshallen, og om det skal stillast spesielle krav til slike førespurnader. Moglege lokaler utover det sosiale rommet, kan vera:

- Hellisøy fyr
- Selskapslokale elles i Fedje kommune
- Utandørs

Utover vanleg tilbod om tid og stad kan kommunen ta betaling for meirkostnader. Kostnader som leige av anna kommunalt lokale, oppvarming av lokale etc, og dessutan ferdkostnader for vigsjar, må avklarast på førehand og dekkjast av brudeparet. Skal det skje ringutveksling, kunstneriske innslag eller andre aktivitetar under vigselen må vigsjar underrettast på førehand. Det er òg ønskeleg å få vita tal gjestar på førehand, og dessutan underrette vigsjar om tidspunkt tidlegast mogleg.

Tidspunkt

Ved tingrettane vert det i dag normalt gjort vigsler innanfor vanleg kontortid. Det synest naturleg at Fedje kommune tilbyr vigsler innanfor normal kontortid, kl. 08.00-15.00 måndag-fredag som standardtilbod. I tilfelle der vigselen skjer utanom dette tidspunktet kan kommunen krevja dekning av meirkostnader i form av utgifter til vigsleren og kostnader knytet til bruk av kommunale lokale, men ingen betaling utover dette. Ein føresler kr 500,- per arbeidstime til vigsjar utover kommunal arbeidstid (kvardagar 0800-15.30).

Kven som skal få tilbod om vigsler i Fedje kommune

Fedje kommune pliktar å tilby vigsel til innbyggjarane sine, og personar som ikkje er busett i Noreg. Kommunen kan òg opna for at personar busett i andre kommunar kan gifta seg i kommunal regi i Fedje kommune.



Fedje kommune

Betaling

I lovproposisjonen er det spesifisert det at det er eit viktig prinsipp for kommunale vigslar at dei alminnelege vigselstilboda til kommunen skal vera gratis for eigne innbyggjarane til kommunen og for personar som ikkje er busett i Noreg. Dersom kommunen i tillegg opnar for at vigslar kan

skje utanfor kommunen sitt ordinære lokale, utover ordinære åpningstider eller for brudefolk som ikkje er busett i kommunen, kan kommunen krevja å få dekt meirkostnader ved dette.

Døme på slike kostnader er utgifter for vigsleren og kostnader knytet til bruk av anna kommunalt lokale ,oppvarming av lokale etc, og dessutan ferdkostnader for vigslar. Andre eventuelle kostnader som pynting av lokale, tolk etc. må òg dekkast og vert organisert av brudepar. Krav frå kommunen om dekning av slike kostnader må avklarast med brudeparet på førehand. Det er ikkje høve for kommunen til å ta betaling for gjennomføring av vigslar ut over dekning av naudsynte, påregnelige meirkostnader. Dersom kommunen tilbyr vigslar som medfører meirkostnader for vigslar, eller ved bruk av kommunale bygg utanfor ordinær arbeidstid, bør det spesifiserast på heimesidene til kommunen at eventuelle meirkostnader avklarast i forkant og dekkjast av brudeparet sjølv.

Forslag til vedtak:

Fedje kommunestyre vedtek at det allminnelige kommunale vigselstilbodet i Fedje kommune er vigslar halde i det sosiale rommet i Fleirbrukshallen, innanfor ordinær arbeidstid, måndag til fredag kl. 08.00 – 15.30 .

Kommunen sin allminnelige vigselstilbod er gratis for Fedje eigne innbyggjarane til kommune og for personar som ikkje er busett i Noreg. Det er tilstrekkeleg at éin av brudefolkene er busett i kommunen.

Dersom brudeparet ynskjer vigsel utanfor ordinær arbeidstid, eller i andre lokale, vurderast dette etter kapasitet og tilgjengelighet for lokale/vigslar. Det vert opna for at òg brudepar busett utanfor kommunen vert gjeve høve til å gifta seg borgarleg i Fedje kommune, så framt det er kapasitet kva gjeld vigslar/lokalar. Meirkostnader i form av utgifter for vigslar eller kostnader knytet til bruk av kommunale lokale som påløper i slike tilfelle, skal avklarast på førehand, og vert dekt av brudeparet.

Utover vanleg tilbod om tid og stad kan kommunen ta betaling for meirkostnader, med kr. 500,- per arbeidstime til vigslar utover kommunal arbeidstid (kvardagar 08.00-15.30). Kostnader som leige av anna kommunalt lokale, oppvarming av lokale etc, og dessutan ferdkostnader for vigslar, må avklarast på førehand og dekkjast av brudeparet. Andre eventuelle kostnader som pynting av lokale, tolk etc. må òg dekkast og vert organisert av brudepar. Skal det skje ringutveksling, kunstneriske innslag eller andre aktivitetar under vigselen må vigslar underrettast på førehand.

Følgjande personar får vigselsmynde i Fedje kommune:

- Stian Herøy, ordførar
- Roy Asle Tungland, varaordførar



Fedje kommune

-Ingebjørg Vamråk, rådmann

Det vert oppretta ei side på heimesidene til Fedje kommune, med kontaktinformasjon til administrasjonen, lenkje til skjema på skatteetaten.no, og dessutan informasjon tilsvarande den informasjonen gjeve om borgarleg vigsel på domstol.no, kontinuerleg oppdatert i samsvar med gjeldande lovverk og praksis.

Formannskapet - 008/18

F - behandling:

F - vedtak:

Fedje kommunestyre vedtek at det allminnelige kommunale vigselstilbodet i Fedje kommune er vigslar halde i det sosiale rommet i Fleirbrukshallen, innanfor ordinær arbeidstid, måndag til fredag kl. 08.00 – 15.30 .

Kommunen sin allminnelige vigselstilbod er gratis for Fedje eigne innbyggjarane til kommune og for personar som ikkje er busett i Noreg. Det er tilstrekkeleg at éin av brudefolkene er busett i kommunen.

Dersom brudeparet ynskjer vigsel utanfor ordinær arbeidstid, eller i andre lokale, vurderast dette etter kapasitet og tilgjengelighet for lokale/vigslar. Det vert opna for at òg brudepar busett utanfor kommunen vert gjeve høve til å gifta seg borgarleg i Fedje kommune, så framt det er kapasitet kva gjeld vigslar/lokalar. Meirkostnader i form av utgifter for vigslar eller kostnader knytet til bruk av kommunale lokale som påløper i slike tilfelle, skal avklarast på førehand, og vert dekt av brudeparet.

Utover vanleg tilbod om tid og stad kan kommunen ta betaling for meirkostnader, med kr. 500,- per arbeidstid til vigslar utover kommunal arbeidstid (kvardagar 08.00-15.30). Kostnader som leige av anna kommunalt lokale, oppvarming av lokale etc, og dessutan ferdkostnader for vigslar, må avklarast på førehand og dekkjast av brudeparet. Andre eventuelle kostnader som pynting av lokale, tolk etc. må òg dekkast og vert organisert av brudepar. Skal det skje ringutveksling, kunstneriske innslag eller andre aktivitetar under vigselen må vigslar underrettast på førehand.

Følgjande personar får vigselsmynde i Fedje kommune:

-Stian Herøy, ordførar
-Roy Asle Tungland, varaordførar
-Ingebjørg Vamråk, rådmann

Det vert oppretta ei side på heimesidene til Fedje kommune, med kontaktinformasjon til administrasjonen, lenkje til skjema på skatteetaten.no, og dessutan informasjon tilsvarande den informasjonen gjeve om borgarleg vigsel på domstol.no, kontinuerleg oppdatert i samsvar med gjeldande lovverk og praksis.
Samrøystes vedteke.



Fedje kommune

§ 12. Vigslere

Vigslere er:

- a) prest i Den norske kirke, og prest eller forstander i et registrert trossamfunn, eller seremonileder eller tilsvarende i livssynssamfunn som mottar tilskudd etter lov 12. juni 1981 nr. 64 om tilskott til livssynssamfunn når Kongen har godkjent formen for inngåelse av ekteskap.
- b) ordførere, varaordførere og kommunalt ansatte eller folkevalgte som kommunestyret selv gir slik myndighet.
- c) utsendt utenriktjenestemann, jf. utenriktjenesteloven § 14.
- d) Sysselmannen på Svalbard. Sysselmannen kan delegere vigselsmyndighet til tjenestemenn ved sysselmannskontoret.
- e) særskilt vigsler oppnevnt av departementet i tilfeller der det er behov for det på grunn av lange avstander eller av andre grunner. Oppnevningen gjelder for fire år.

Departementet kan gi forskrift om tildeling og tilbaketrekking av vigselsrett for seremonileder eller tilsvarende i livssynssamfunn.

Endret ved [lover 3 mai 2002 nr. 13](#) (ikr. 1 sep 2002 iflg. res. 3 mai 2002), [19 des 2003 nr. 119](#) (ikr. 1 okt 2004 iflg. [res. 19 des 2003 nr. 1762](#)), [17 juni 2016 nr. 27](#), [16 juni 2017 nr. 66](#) (ikr. 1 jan 2018 iflg. [res. 1 sep 2017 nr. 1328](#)).

§ 12 a. Vigsler i kommunen

Kommunen skal ha et tilbud om vigsel for kommunens innbyggere og personer som ikke er bosatt i Norge, men som fyller vilkårene for å inngå ekteskap i Norge etter kapittel 1.

Departementet kan gi forskrift om kommunalt vigselstilbud med regler om at vigselstilbudet skal være tilgjengelig og om betaling for vigsler.

0 Tilføyd ved [lov 16 juni 2017 nr. 66](#) (ikr. 1 jan 2018 iflg. [res. 1 sep 2017 nr. 1328](#)).

§ 13. En vigslers adgang til å nekte å foreta vigsler.

En vigsler som nevnt i § 12 bokstav a, kan nekte å foreta vigsel dersom en av brudefolkene ikke er medlem av trossamfunnet eller livssynssamfunnet, eller ingen av dem tilhører menigheten.

En kirkelig vigsler kan også nekte å foreta vigsel dersom en av brudefolkene er skilt og den tidligere ektefellen lever, eller dersom brudefolkene er av samme kjønn.

0 Endret ved [lover 19 des 2003 nr. 119](#) (ikr. 1 okt 2004 iflg. [res. 19 des 2003 nr. 1762](#)), [27 juni 2008 nr. 53](#) (ikr. 1 jan 2009 iflg. [res. 27 juni 2008 nr. 745](#)).